

प॒रोर॑जास्ते प्र॒तेम॑हे ब्रह्म॑ प्र॒तिष्ठा॑ गा॒र्हप॑त्यस्त्रि॒ःशदु॑त्त-
र॒शत॑म् ॥ १३० ॥

इति सप्तमप्रपाठकः ॥

ह्रिः ॐ । ॥ १ ॥

ह्रिः ॐ । ॥ १ ॥

तृतीयकाण्डे अष्टमप्रपाठके

प्रथमोऽनुवाकः ।

सा॒ङ्ग॒ह॒ण्ये॒ष्ट्या॑ यज॑ते । इ॒मां ज॒नता॑ः स॒ङ्गृह्णा॑नीति ।
द्वाद॑श॒रत्नी॑ र॒शना॑ भ॒वति॑ । * द्वाद॑श॒मासाः॑ सं॒वत्सरः॑ ।
सं॒वत्सर॑मे॒वावरु॑न्धे । मौ॒ञ्जी भ॑वति । ऊ॒र्ग्व मु॒ञ्जाः ।
ऊ॒र्जमे॒वावरु॑न्धे । चि॒त्रा नक्ष॑त्रं भ॒वति॑ । चि॒त्रं वा
एत॑त् क॒र्म ॥ १ ॥

यद॑श्चमे॒धः स॒मृध्यै॑ । पु॒ण्य॑नाम दे॒वय॑जनम॒ध्यव॑स्य-
ति । पु॒ण्य॑मे॒व तेन॑ की॒र्त्तिम॑भिज॒यति॑ । अ॒प॒दाती॑-
नृ॒त्विजः॑ स॒माव॑ह॒न्त्या सु॑ब्रह्म॒ण्यायाः॑ । सु॒वर्ग॑स्य लो॒कस्य॑
स॒मृध्यै॑ । के॒श॒श्मश्रु॑ व॒पते॑ । न॒खानि॑ नि॒कृन्त॑ते । द॒तो धा॑-
वते । स्ना॑ति । अ॒हतं॑ वा॒सः परि॑धत्ते ॥ पा॒प्मनोऽप॑हत्यै ।

* द्वादशरत्नी रशना भवति । इति ० पुस्तकपाठः ।